

贛州府志卷二十八

名宦傳

府名宦

舊志中來治此邦者晉與五代即有一二可攷見至唐後益著叅稽史志傳若干人自長貳教職首領以下不拘階秩崇卑以朝代次第之有不官於郡而舊志列之若元之汪澤民則從剛有分傳而可併為一若陳先得父子則從合今編之如左

府名宦

晉

虞潭

南宋王歆之

南齊劉繪

梁

王僧孺

陳宋元饒

唐

許圜師

張九舉

裴諝

路應

張署

贛州府志

卷六

府名宦

一

李舟

馬總

李渤

宋

楊澈

陳從易

余良肱

陳戡

張式

周湛

孫復

余靖

曹觀

周敦頤

趙抃

孔宗瀚

王式

劉夔

楊時

范璿

李大有

雷孚

李耕

徐時動

趙善繼

楊萬里

劉靖之

薛弼

趙公備

洪邁

羅願

留正

彭堯輔

趙善佐

王柟

柴中行

鄒應龍

高照

陳孔碩

姚希得

張忠恕

聶子述

陳韡

楊珏

王邁

羅必元

李昂英

歐陽守道

文天祥

劉辰翁

劉應龍

彭呂

元 陳先得父子合傳 古篤魯丁 達 實 哈海赤

王榮忠 伯顏 蕭生 余仁仲

明 汪廣洋 鄒奕 婁仲修 陳大本 黃恭

鄭暹 司馬軫 仇鎮 顧暉 曹凱

姜璉 李璉 王廷珪 章廷圭 朱諫

張璪 邢珣 羅輅 趙承謙 祝詠

林萬潮 李种 林功懋 王春復 李丕顯

雷上儒 黃辰 葉夢熊 廖憲 王燧

周保 王思宗 鍾澤 王繼明 唐邦佐

徐應奎 祁汝東 黃克纘 董三畏 陸化淳

褚盛明 嚴遵式 陳梁 毛鶴騰 李熠

贛州府志

卷二

府名宦

二

蔡民望 申用嘉 沈振龍 袁昌

國朝 蘓峻大 徐騰輝 卽永清 孔興訓 顧岱

李德明 朱光圉 汪宏禧 葉新

晉

虞潭字思奧會稽餘姚人吳騎都尉翻之孫有清操舉秀

才歷祁鄉醴陵令以平張昌亂賜爵都亭侯領廬陵太

守永嘉末轉南康太守值湘州賊杜弼構逆並領安成

太守傾其資產以餽戰士賊平守吳興又敗蘇峻錄前

後功進爵武昌縣侯拜右光祿大夫開府儀同三司卒

於官諡孝烈 謝志

南宋

王歆之字叔泰河東人宋武帝孝建中爲南康相歷官左
尚書光祿大夫在國時嘗譔南康記元嘉九年豫州刺
史長沙王義欣上言所統官屬清節績能歆之與焉奉

詔褒美 宋書良史傳增

南齊

劉繪字士章彭城人爲大司馬諮議領錄事豫章王嶷與
文惠太子宫府有疑繪苦求外出爲南康相郡事之暇
尚意講說上左右陳洪請假南還上問繪在郡何事洪
因問曰南康是三州喉舌應須治幹豈可以少年講學
處之微還爲安陸王護軍司馬轉中書郎掌誥勅歷官
南蠻校尉雍州刺史 謝志

贛州府志

卷二八

府名宦

三

梁

王僧孺東海邳人以尚書吏部郎出爲南康王長史行府
州國事典籤湯道愍暉於王用事府內僧孺每裁抑之
道愍遂謗訟僧孺逮詣南司坐免官久之起爲安西成
王諮議參軍入直西省好墳籍聚書至萬餘卷率多異
本與沈約任昉家書相埒 梁書本傳增

陳

宋元饒南郡江陵人高祖大建間以御史中丞遷貞威將
軍南康內史性公平諳曉故事明練治體以秩米三千
餘斛助民租課存問高年拯救乏絕百姓其賴焉課最
入朝詔加散騎常侍終吏部尚書 謝志

唐

許圜師安州安樂人有器幹研涉藝文擢進士第龍朔中為左相坐子犯罪免官久之為虔州刺史崑以寬治州人刻石頌德部有受賕者圜師不忍拊但賜清白箴其人愧自修飭更為廉士進戶部尚書卒諡曰簡謝志

張九臯曲江人九齡之弟以孝廉登科嶺南按察尚書裴伯先表授海豐司戶及伯先討五溪蠻奏授贛縣令軍興倚辦供億無留宣慰使梁勛竹承構先後奏其戶口增益清白有聞褒進朝散大夫巴陵別駕九齡求解相侍養不許詔就近地改授九臯南康別駕以便省覲累遷殿中丞尚書職方郎中九齡謫荊州九臯亦貶外臺

贛州府志

卷六

府名宦

四

歷南康淮安彭城睢陽四郡太守有政績詔書褒美再改南海太守兼五府節度經略採訪處置等使封南康

郡開國伯

謝志邑今傳改

裴諝字士明聞喜人禮部尚書寬之子擢明經代宗幸陝諝為考功郎中徒步挾印赴行在帝曰疾風知勁草果信拜左司郎中元載忌之出為虔州刺史削煩苛從簡易不期月而令行大歷元年歲旱諝禱於儲潭之神隨車大雨從弟曙撰祈雨感應頌宗人宏書之碑諝歷官

河南尹東都副留守終兵部侍郎

據儲潭祈雨碑

路應字從衆京兆三原人以父冀國公嗣恭蔭為著作郎貞元四年出為虔州刺史議割粵都地置安遠縣鑿澗

石以通舟陶甃以繕城逢水旱賤出穀俟歲熟收之常有贏利故所在人不病饑而官府有蓄積詔嗣父封進襄陽郡王卒諡曰靖

謝志

張署河間人德宗時以進士舉博學宏詞為校書郎累遷尚書刑部員外郎改虔州刺史民俗朋黨殺牛又多捕烏雀魚鼈相買賣期放生為福祥署一切禁絕使通經吏與諸生之旁大郡學鄉飲喪婚禮張施講說民吏觀聽從化度支符下折民戶租歲徵綿六千屯比郡承命惶怖恐不及署獨疏言嶺民不識蠶桑難以供辦月餘免符下民相扶攜守州門噉謹為賀改澧州刺史終河南令

昌黎集

贛州府志

卷二八

府名宦

五

李舟字公受隴西人唐宗室系出姑臧房興聖皇帝後有文學以尚書郎使危疑反側者再不辱命被讒出為虔州刺史嘗於龔山聽太寂師說法有悟作寄妹書人為知言卒封隴西縣男

唐書宰相世系

按杜甫有送李校書詩國史補作李舟即校書也

馬摠字會元系出扶風元和中為虔州刺史廉清不撓用儒術教其俗政事嘉美歷官太平軍節度使入為戶部尚書卒贈右僕射諡曰懿摠與韓愈為友愈稱摠文武兼資寬猛得所又曰宏大溫恭全然德備于泉于虔始執郡符去其螟蠹蠻越大蘇皆言摠治郡之績也

昌黎集

李渤字信之洛陽人貞元中隱居廬山徙少室元和初以

拾遺召始出家東都穆宗立拜考功員外郎長慶間出
刺虔州奏還信州移稅錢二百萬免賦米二萬石廢冗
役千六百人觀察使上狀遷江州尋拜諫議大夫太和
中卒贈禮部尚書謝志

宋

楊澈字晏如建陽人建隆進士太祖平江南開寶間以著
作郎改判虔州事令就大將曹彬分兵以行既入境偽
帥郭再興統兵自固澈單騎直趨其壘諭以朝廷威信
再興即奉符綬澈悉料城中軍士之勇壯者凡五百人
爲一綱部送京師土豪黎羅二姓聚衆依山謀亂澈率
兵擒之械送闕下遷右贊善大夫謝志豫章書

贛州府志

卷二

府名宦

六

陳從易字簡夫泉州晉江人進士及第真宗時累官刑部
員外郎天聖間知虔州會歲大饑有持杖盜取民穀者
請一切減死論生者千餘人神宗嘗語其甥蘇頌曰從
易清節過於馬援爲人激直少容好面折人入爲左司
郎中知制誥宋史

余良肱字康臣洪州分寧人天聖四年進士歷大理寺丞
出知虔州士大夫死嶺外者喪車自虔出多弱子寡婦
良肱悉力賑護孤女無所依者出俸錢嫁之以母老知
南康軍累遷光祿卿謝志

程戡字勝之陽翟人舉進士天聖七年坐曹利用壻降判
蘄州改虔州民有殺其母夜委屍於讐人之門者獄已

具哉曰殺人者肯自置屍於門耶親劾之得其實置其子於法歷官叅知政事

謝志叅豫章書

張式字景則建州建安人天禧二年進士景祐間知虔州虔於東南州為最劇式鎮撫之以無事稱三司市紬絹十餘萬非經數式拒弗市式廉靜好書長於政事見時事有不便徃徃能極言之無所忌既去人思之官至尚

書祠部郎中

王臨川集

周湛字文淵鄧州穰人進士甲科中身言書判以尚書都官員外郎知虔州治繁劇能得其要所至喜條上利害天資強記史胥滿前一見輒識其姓名累任江淮制置發運使

宋史

贛州府志

卷二

府名宦

七

孫復字明復晉州平陽人石介之師范仲淹富弼薦復有經術除國子監直講召見邇英閣說詩慶歷七年徐州狂人孔直溫謀叛逮捕索其家得所遺復詩坐貶監虔州商稅嘗作贛縣孔子廟碑翰林學士趙槩等言復行為世法經為人師不宜佐州縣乃復為國子監直講遷殿中丞

謝志

余靖字安道韶州曲江人天聖進士起家贛尉試書判拔萃改將作監丞皇祐二年以衛尉卿知虔州詢民疾苦政多惠愛憂去起秘書監累遷工部尚書

謝志

曹觀失其籍貫皇祐間知虔州時儂智高叛嶺南將迫境觀練甲繕城嚴為守備賊不敢犯民恃以安下詔獎諭

志

按曹觀守虔在皇祐間舊志誤乾道觀與贛處士鍾
棊善棊與蘇洵為友又歐陽修余靖曾鞏皆知棊數
子者俱皇祐間人乾道尚在百二十餘年後也今訂
正

周敦頤字茂叔道州營道人初試將作監主簿歷南安司
理叅軍判合州趙抃為監司惑於衆口臨之甚威及嘉
祐間改判虔州抃為守熟視其所為乃大悟曰吾幾失
君今日乃知周茂叔也與國宰程珣假倅南安視其氣
貌非常人與語知其為學知道令二子顥頤往受業焉
著太極圖說及通書言約而道大文質而義精得孔孟

贛州府志

卷二

府名宦

八

之本源卒諡元公從祀孔廟 謝志

趙抃字閱道衢州西安人景祐初進士及第累官殿中侍
御嘉祐六年為右司諫出知虔州虔素難治抃御之嚴
而不苛召戒諸縣令使人自為治令皆喜爭盡力獄以
屢空抃為改善因俗施設寬猛不同要之以惠利為本
在虔尤為世所稱道嶺外仕者死多無以歸抃移告諸
郡曰仕宦之家有不能歸者皆於我乎出授舟楫并道
里費護遣之其後陳升憲繼守郡踵其意又建廣惠寺
於水西籍廢寺田以供贍之孤嫠出嶺者如歸後抃以

侍御史拜叅知政事諡清獻

謝志本傳叅
陳升憲事蹟

孔宗翰字周翰孔子四十六代孫道輔之子登進士第嘉

祐中權知州事州城歲爲水齧東北隅尤易墊圮宗翰
伐石爲址治鐵錮之自是水不爲患嘗以郡八境圖乞
蘇軾詩刻諸石累官刑部侍郎寶文閣待制 謝志

王式字用之廣東曲江人耿介自立年十四登天聖進士
歷廣州司理叅軍嘉祐間改虔州發姦摘伏別白良善
人稱明允尋改南安軍 謝志

劉彛字執中福建長樂人幼介特居鄉以行義稱從胡瑗
學瑗稱其善治水第進士熙寧中知虔州俗尚巫鬼不
事醫藥彛著正俗方以訓斥淫巫使以醫易業俗遂變
時饑民多棄子於道立法揭榜通衢召人收養日給廣
惠倉米二升每月抱至官府一驗眠又推行於縣鎮細

贛州府志

卷二八

府名宦

九

民利二升之給皆爲字養時有甘露瑞蓮瑞粟之應先
是郡城三面阻水水暴至輒灌城彛作水窗十二眠水
消長而啓閉之水患頓息元祐初以都水丞召還 謝志

按城內福壽二溝相傳亦彛所創

楊時字中立南劍州將樂人熙寧進士授汀州司戶不赴
杜門力學幾十年元祐間調徐州司法改虔州燭理精
明曉習法令有疑獄衆所不能決者一一剖析之與郡
將議事守正不阿累官徽猷閣直學士學者稱龜山先
生卒諡文靖 謝志

張尚瑗曰宋史楊文靖傳無司戶汀州司法徐州改
虔州之事考之龜山先生集有代虔守薦陽荐本狀

賀正旦表一篇則其官虔無疑史稱時安於州縣未嘗求聞達而德望日重蓋道學之優於經濟者惜本集更無銘狀汀徐兩州宦蹟又復茫然然謝志數語可以補龜山年譜之闕矣

范璿字舜文南昌豐城人政和進士授虔州議曹改節度推官時金兵至羣盜四起璿畫策守備城賴以安屬邑歲輸賦於郡胥吏緣爲奸璿典其事蠹弊盡革興國有獄經年不決璿推治得其情平之薦知甌寧治狀聞召對便殿問何以得民如此曰臣知爲陛下愛民耳上悅拜兵部員外郎

謝志

李大有字仲謙新喻人未弱冠舉進士除將作監丞宣和

贛州府志

卷二六

府名宦

十

間知虔州時金兵來攻大有募兵勤王得五千人鼓行而前淮甸歌曰天下姦臣皆守室虔州太守獨勤王

謝志

雷孚字保信新昌人登政和進士紹興中倅贛居官清白齊述之亂連坐者二千餘人州守李耕欲盡處以法孚力爭曰茶寇黨賊不可赦若土人則脅從者可概誅乎於是分別推訊戮其魁而釋其餘得免者二千人

謝志

李耕失其籍貫先爲忠州團練使紹興二十二年禁兵齊述殺統制吳進同統領馬晟據贛州叛耕奉詔討兼知州事屢下金字符許從招撫耕遣辨士諭以禍福令出降不聽大修攻具刊木輦石破其城盡收賊黨誅之捷聞轉觀察使耕披灰燼瓦礫立治所爲叢塚收葬死於

兵刃者 謝志

徐時動字舜鄰豐城人師事胡安國紹興五年進士為虔
教官善於誘導演繹師說為孟子解四十卷師門答問
三卷 謝志

趙善繼失其籍貫紹興二十四年知贛州以興學宣化為
首務先是府學罹兵火善繼重建張九成記之居常勸
民為善頑梗者繩以法踰年風俗日淳訟牒稀簡 謝志
楊萬里字廷秀吉州吉水人紹興甲戌進士為贛州司戶
孝宗有大用意以議高宗配饗不悅後為江東轉運副
使不奉詔行鐵錢忤宰相意改知贛州不赴除秘閣修
撰提舉萬壽宮自是不復出光宗嘗為書誠齋二字學

贛州府志

卷六

府名宦

十一

者稱誠齋先生諡文節 宋史

劉靖之字仲和廬陵人淳熙中教授贛州官少書靖之購
旁郡及出篋中書諸生所未見者令傳寫師弟子相見
禮不備假俸為具冠帶月朔盡陳諸生之業於堂曰使
守貳有意者可按而核也能令學者自重尚廉隅去苟

且之習改秩當去卒

採鄂州集

薛弼字直老溫州永嘉人政和二年進士第紹興二十五
年以左司郎官知虔州武夫周虎臣陳敏者善戰丁壯
各數百視官軍可一當十弼善待之後福州大盜有號
管天下五黑龍滿山紅之屬眾甚盛詔升弼集英殿修
撰往知其州弼乃奏虎臣為副將敏為巡檢選兵壯千

人號奇兵日給糗糧責以減賊凡四年賊平擢敷文閣待制 宋史

趙公僞宗室紹興中任隆興二年收有寬剩錢十餘萬請為民代輸夏稅 謝志

洪邁字景盧鄱陽人忠宣公皓季子進士乾道中除知贛州起學宮造浮梁郡兵素驕稍不如意則跋扈郡歲遣千人戍九江是歲或怵以去不復還衆遂反戈訛言驚恟邁不為動遣一校說使歸營徐詰什伍長兩人械送潯陽斬於市歲饑贛適中熟移粟濟鄰郡僚屬阻之不聽曰秦越肥瘠臣子義耶邁遂於文學立朝多議論累官端明殿學士卒諡文敏 謝志

贛州府志

卷二

府名宦

十二

羅願字端良新安人以父吏部尚書汝楫蔭補新城縣監稅乾道二年擢進士第八年除通判贛州攝守事以簡易為治贛人化之部使者列其治行以聞從臣又交薦之歷知鄂州卒著有爾雅翼鄂州集 宋史

留正字仲至泉州永春人進士淳熙中守贛三年恩威並洽代者拊御失宜軍中將為變復命往贛嘗奏減上供米不報及為相蠲米萬有八千石封魏國公諡忠宣其孫元剛繼守贛作袞衣葺燾堂於翠玉樓下用彰世美

謝志

彭堯輔字道夫吉州廬陵人隆興二年試文冠南銓淳熙元年為贛州錄事叅軍囚危有志為仇家所誣提點刑

獄諸司皆欲殺之堯輔持不可卒直其枉官軍捕茶寇
間俘平民堯輔悉平反之薦章交上改宣教郎七年知
石城縣踰歲爲部使者以私劾免後起知江陵府官至

朝散大夫

周益公集

趙善佐字佐卿宗室居邵武受學於張栻又從朱子遊淳
熙中知贛州奉法愛民以勤儉自約飭不妄費公帑干
請無所應在任踰年卒

謝志

王柎字木叔溫州永嘉人乾道丙戌進士累官秘書少監
國史院實錄編修檢討官出知贛州先禮教後刑罰先
是元祐黨禁贛士之與者十四人柎舉以諭其耆老曰
汝州多正人如此將百世稱之後生可不勉乎民皆興

贛州府志

卷二

府名宦

十三

起遷善或夜不閉戶俗業麻苧鮮絲績柎課種桑多者
減役贖罪贛廣間嘗以歲杪販鹽空聚落往返號鹽子
所過輒殺官軍故有鹽子獄柎申嚴保伍須行者給憑
乃聽由是十省八九提刑者意不合毀之於朝罷主冲
佑觀士民雪涕前後擁不得行柎曰太守數易古矣今
不去後當去耳賦詩留別贛人刊而祠之

葉適水心集

柴中行字與之餘干人紹興元年進士韓侂胄禁道學校
文轉運司移檄令自言非僞學中行奮筆曰自幼讀程
頤書以取科第如以爲僞學不願考校歷官秘閣修撰
慶元中知贛州治盜有方境內肅清丐祠得請以言罷

史

至侍郎諡文定追封魏國公謝志

陳韡字子華孔碩子紹定六年以寶章閣待制知龍興府
巨寇陳三槍據贛松梓山砦出沒江廣所至屠殘韡遣
官吏招降賊輒殺之韡謂盜賊起於貪吏劾其尤者二
人奉詔節制江西廣東福建三路捕寇軍馬兼知贛州
端平元年三月至贛破松梓山縱火焚其巢賊首張魔
王死三槍遁至興寧就擒斬於隆興市初賊跨三路數
州立砦六十至是悉平進權工部侍郎謝志

楊珪字君寶 人紹定進士淳祐元年調贛州府教授
先是學計蠹於前官廩餼不給珪捐私橐以助後改通
直郎知饒州官至朝議大夫謝志

贛州府志

卷二

府名宦

十五

王邁字實之興化軍仙游人嘉定十年進士召試學士院
臺官李大同謗邁交結真德秀魏了翁及洪咨夔以收
虛譽嘉熙間通判贛州後以左司郎官召辭卒贈司農
少卿宋史

羅必元字亨父隆興進賢人嘉定十年進士淳祐中通判
贛州時賈似道領京湖刻剝至甚必元上疏以為蠹國
脈傷民命改知汀州為丁大全按去度宗初以直寶章
閣致仕宋史

李昂英字俊明番禺人寶慶丙戌進士淳祐壬子直寶謨
閣江西提刑兼知贛州以洗冤澤物為已任糾貪墨決
淹滯一道肅然郡人崇像祀之累遷吏部侍郎諡忠簡

謝志

歐陽守道初名巽字迂父廬陵人淳祐進士授雩都主簿
丁母憂服除調贛州司戶江萬里守吉州作白鷺洲書
院首致守道為諸生講說咸淳三年以賢才舉遷著作
郎宋史

文天祥字宋瑞又字履善吉之吉水人也實廬陵人年二十舉
進士對策集英殿以法天不息為對帝親拔為第一累
遷直學士院忤賈似道致仕咸淳九年起為湖南提刑
十年改知贛州德祐初江上報急召天下勤王天祥捧
詔涕泣使陳繼周發郡中豪傑并結溪峒蠻使方興召
吉州兵諸豪傑皆應有眾萬人事聞以江西提刑安撫

贛州府志

卷六

府名宦

十六

使召入衛其友止之曰今大兵三道鼓行破郊畿薄內
地君以鳥合萬餘赴之是何異驅羣羊而搏猛虎天祥
曰吾亦知其然也第國家養育臣庶三百餘年一旦有
急徵天下兵無一人一騎入關者吾深恨之故不自量
力而以身殉之庶天下忠臣義士將有聞風而起者義
勝者謀立人眾者功濟如此則社稷猶可保也天祥性
豪華平生自奉甚厚歌伎滿前至是痛自貶損盡以家
貲為軍費八月至臨安除知平江府元兵已發金陵入
常州矣元兵入獨松關陳宜中留夢炎召天祥棄平江
守餘杭明年正月除知臨安府未幾宋降宜中世傑皆
去仍除天祥樞密使尋除右丞相兼樞密使使如軍中

請和與元相伯顏抗論皋亭山伯顏怒拘之天祥與其
客杜滸十二人夜亡入真州趨高郵汎海至溫州聞益
王未立乃上表勸進以觀文殿學士侍讀召至福拜右
丞相尋與宜中等議不合乃以同都督出江西遂行收
兵入汀州遣叅謀趙時賞諮議趙孟滌將一軍復寧都
叅贊吳浚將一軍復雩都劉洙蕭明哲陳子敬皆自江
西起兵來會明年正月元兵入汀州天祥移漳州乞入
衛時賞孟滌亦提兵歸未幾浚降來說天祥縛浚縊殺
之四月入梅州都統王福錢漢英跋扈斬以徇五月出
江西入會昌六月入興國縣七月遣叅謀張汴監軍趙
時賞趙孟滌等盛兵薄贛城鄒鳳以贛諸縣兵擣永豐

贛州府志

卷二八

府名宦

十七

其副黎貴達以吉諸縣兵攻太和吉八縣復其半惟贛
不下臨洪諸郡皆送款江西宣慰使李恒遣兵援贛州
而自將兵攻天祥於興國天祥不意恒兵猝至乃引兵
走即鄒鳳於永豐鳳兵先潰恒窮追天祥至方石嶺鞏
信拒戰死之至空坑軍士皆潰天祥妻妾子女皆見執
時賞坐有輿後兵問爲誰時賞曰我姓文衆以爲天祥
擒之而歸以此得逸去至元十五年三月進屯麗江浦
六月入船澳益王昚衛王繼立天祥上表自劾乞入朝
不許八月加天祥少保信國公元帥張宏範兵濟潮陽
天祥方飯五坡嶺兵突至衆不及戰皆頓首伏草莽天
祥倉皇出走千戶王惟義前執之遣使護送至燕京囚

四年世祖諭之曰汝何願對曰願一死足矣元主既壯其節又惜其才百計屈之終不可得臨刑從容謂吏卒曰吾事畢矣南向再拜而死數日其妻歐陽氏收其屍面如生年四十七衣帶中有贊曰孔曰成仁孟曰取義惟其義盡所以仁至讀聖賢書所學何事而今而後庶幾無愧

參宋史謝志

史論略曰宋至德祐七矣天祥往來兵間初欲以口舌存之事既無成奉兩孱主崎嶇領海以圖興復兵敗身執我世祖皇帝以天地有容之量既壯其節又惜其才留之數年如虎兕在柙百計剔之終不可得觀其從容伏殯就死如歸是其所欲有善於生者可不謂之仁哉

贛州府志

卷二

府名宦

十六

宋三百餘年取士之科莫盛於進士進士莫盛於掄元自天祥死世之好為高論者謂科目不足以得偉人豈其然乎

按文山守贛次年即起義勤王故治贛事蹟不著其散見一二於志中者因事行文即景賦詩而已觀其義激諸軍先聲一呼豪傑四應功雖無成忠則已至且自入衛行軍始終皆在贛地汀則贛之唇齒也讀本傳可知其大節凜然矣

劉應龍字漢臣瑞州高安人嘉熙二年進士在言職疏劾丁大全白吳潛之枉又忤賈似道德祐元年以寶章閣直學士知贛州兼江西兵馬鈐轄青海軍節度使力辭

隱九峰而卒 宋史

劉辰翁字會孟廬陵人對策忤賈似道抑之理宗親寘之丙第以親老就贛州濂溪書院山長耽嗜文史淹博涵深有須溪集一百卷慷慨立風節天下知名士多欽其伉直江萬里薦辰翁學宜史館帥閩河南遂與俱行 吉安府志

彭呂字景望太和人幼孤勵志於學以經明行修聘為濂溪書院山長元兵陷虔呂棄官從文天祥入廣天祥被執呂死焉祀鷺洲書院

元

陳先得一名生申太和人至元初任贛州路學教授少歲

贛州府志

卷六

府名宦

十九

為詩冲淡嘗墜隙地時菊自號菊存學者服其清修攻苦行義如古人僉稱菊存先生卒年九十四子學禮字季立至元二十九年以茂異薦署瑞金教諭至治二年仕贛州路司獄獄在宋為提刑治所獄具慘酷械林以石為之學禮更以木夏具溷浴冬給薪炭察其饑寒而慰撫之凡三年無一誤死者寧都民守禾寐田間盜出躡而寤之盜懼挾與俱行劫富家事發縣議與盜同罪學禮訊知之言狀於部使者得減論以丞直即贛州路總管府推官致仕年八十九 舊志參吉安府志

古篤魯丁字志道蒙古人至正中為贛州路達魯花赤廉知郡中豪右武斷因獄為市者悉裁以法不數月令行

禁止因歎曰吾民幸知向背不進之以禮未善也於是飭學舍延師儒闡明教化俗亦少變

參謝志
輟耕錄

張尚瑗曰輟耕錄載古篤魯丁字志道守贛州路任滿聽除時有故吏邱往臨江貼補介篤尺牘見總管木八刺木既錄用就遣邱持俸鈔五十定餽篤蓋篤以廉故家甚貧朋友間每分財以濟之邱竟匿其鈔後木數得篤書而謝不及此疑焉因便使問之篤知爲邱匿具書請失謝之罪邱聞惶報奉鈔還篤終不受且隱其惡未嘗與人言按志稱伯篤而陶以爲古篤微有傳聞異辭然而曹劇曹沫叔向叔譽知爲一人無疑南村同時當以古篤爲是

贛州府志

卷二

府名宦

二十

達實蒙古人泰定中尹寧都涖官廉明政事修舉時盜賊所在嘯聚而境內獨恃以安奏免虛糧五百餘石均平其庸調徵輸視舊輕省民德之立碑頌美至正中陞本路達魯花赤

謝志

哈海赤至正十六年繼全普庵撒里守贛政猛烈長於弓馬力能射虎僞兵至脅民死守食盡或請降哈海赤曰我奉命守此土何敢負國爾父老完首領保妻子宜也我固自有處及勢益不支謀潰圍走爲軍校法昌等縛取以降望見僞兵大罵已而曰與爾戰者我也速殺我毋殺我百姓遂遇害

陳海
桑集

蕭相經曰全普哈海赤之死舊志兩載其事於名宦

則載全普與哈海赤戮力守城被脅自剄與元步合於紀事則載全普奉詔取袁師次吉安聞亂棄師走贛爲萬戶馬合穆沙禿倫反等所殺與元史異此則本於陳海桑集章貢城陷本末海桑廬陵賢者避地興國身經喪亂睹記非譌其論哈海赤曰武人也率意破律簡直無所回互卽危之際効死勿去要亦初心它不必深計易曰過涉滅頂赤也有焉史與舊志皆附見於全普傳末今從陳論訂正爲之列傳毋亦使其無聞焉

王榮忠字君直岳州人饒智略有膽氣至正中判贛州事時淮寇起所過寧都興國會昌俱被殘破榮忠與賊戰

贛州府志

卷六

府名宦

二

於萬石浮勝之克復州縣劄零都始建城堞募義勇以守禦劄鐘樓文廟亡何循汀賊五千奄至城下攻圍三晝夜榮忠身先士卒冒矢石出戰又收公私銅鐵鎔液澆注賊潰率兵追擊大破之雩民建生祠祀之以功陞同知總管府事

謝志

伯顏字子西域人祖父宦江西因家進賢領江西鄉舉授東湖書院山長改建昌路教授壬辰兵起行省以便宜授贛州路知事陞經歷時叅政全普庵撒里哈海赤守贛辟爲都事戊戌陳友諒遣兵圍贛叅政命伯顏收援兵於鄰郡三鼓突圍出賊追不及乃招募丁壯於龍南安遠寧都間復往南雄集義兵而贛已陷遂間道入

閩變姓名遁跡江湖明高帝搜求勝國耆碩有以伯顏名應者使者至伯顏作七哀詩祭其先與昔共事死節之臣仰藥死

明史補元臣傳

傅維鱗曰嗟夫介哉伯顏子中也其間關險阻躡而愈振何與廬陵信國異焉天下時盡屬明分定已久而子中亦幾無死所矣詔至乃從容就義竟示不臣忠之盛也嗟夫子中曾為友定畫策早通何真封仙霞杉關而專爭章貢門戶則南海龍川之業可幾竒哉使友定聽之胡將軍未必能得志矣

蕭生字彛翁吉水人領鄉薦為濂溪書院山長元至正間辟贊軍事偽漢兵至叅政欲遁去生曰有城不守非忠

贛州府志

卷二

府名宦

二二

也叅謀何面目見天下士乎自投學宮井或出之三日不食城陷仍赴井死門人私諡曰貞節

謝志

余仁仲失其名南康星子人至正中以賢良薦擢贛州路知事時尚書哈海赤叅政全普庵撒里守贛軍機重事仁仲匡贊居多丁酉安慶被圍仁仲言當移檄省城合兵赴援無安慶則江右不保矣不聽遂以疾辭移家豫章聞賊陷贛州全海二公死為之縞素慟哭明高帝下豫章召見以疾亟辭使知上高縣強之赴官至遂卒

解縉集

明

汪廣洋字朝宗高郵人為入寬和自守太祖渡江召為元帥府令史進中書右司郎中歲甲辰命平章常遇春指

揮陸仲亨會江西行省叅政鄧愈自吉安趨贛又命平章彭時中合兵擊之廣洋叅謀軍事諭之曰熊天瑞困處孤城豈能逃逸但恐城破之日殺傷過多要當以保全生民爲念且如漢將鄧禹不妄誅殺身享高爵子孫昌盛此可爲法向者鄱湖之戰友諒既敗生降其兵至今爲我用縱有逃歸者亦我之民前克湖廣禁軍士毋入城故能全一郡之命苟得郡無民何益廣洋見遇春等傳上旨諸將奉約束全城受降不戮一人而諭導天瑞深謀闕慮廣洋宣力爲多贛州平遂命守之召入爲中書左丞封忠勤伯

明史

鄒奕字宏道南直吳江人元至正中進士明初任御史出

贛州府志

卷六

府名宦

三

知贛州時天下初定郡縣規制一切草創奕至則建社稷壇於西津門風雲雷雨山川壇於鎮南門置厲壇於府城北皆遵洪武十年定制又建遞運所館驛陰陽醫學百廢俱興坐事謫甘肅永樂初召還

婁仲修浙江金華人洪武中知府事勤政愛民重修宣明樓既沒民慕之立像祀焉

謝志

陳大本直隸無爲州人洪武中任贛州同知撫民以寬應務以敏尋陞本府知府吏民熟其政教事不勞而集郡

治益張遷浙江叅政

謝志明
一統志

黃恭南直松江人鄉舉正統中知府事精敏有才盡心民事尤惓惓學政去有遺思

謝志

鄭暹浙江錢塘人正統初由鄉舉任通判素負能聲十三年閩廣盜起百姓恟懼暹率丁壯萬餘人設法防禦一境保全陞知府以憂去 謝志

司馬軫字式古浙江山陰人以鄉選登乙科正統中授府學訓導嚴課士子戒惰獎勤識賞董越令與其子聖同研席均服食一時人士咸知奮勉學宮傾圮經營半載廟廡堂齋一新巡撫韓某亟稱其才後越進士及第官尚書聖亦登進士 謝志

仇鎮山西平陽人舉人景泰初任贛州知府潔已愛民敦禮興教去任之日行李蕭然 舊志

顧睢字明德南直長洲縣人正統丙辰進士起家庶吉士

贛州府志

卷六

府名宦

二四

以按察副使莅閩天順末謫知贛州長河峒岷獷悍時出剽掠縣匿不以聞睢以為是不一懲而云撫愈驕恣漸不可長乃疏言用兵事宜平之賜金綺睢有治才遇事裁決無難易無不立辦豪猾吏胥皆斂手莫之敢欺

致仕歸

分省人物攷

曹凱字宗元山東益都人正統乙丑進士授給事中英宗北狩梓髻倖殺之成化二年左遷知贛州剛果有為執法無撓易景德寺建府縣二學經度周詳規制宏敞棟梁皆永樂中所貢宮殿餘材也未訖工以憂去 謝志

姜璉浙江蘭溪人天順庚辰進士成化七年以海寧州守遷知贛州洞悉民隱政教修舉實倉廩防賊寇改建郡

縣學繕城池治行爲江省第一謝志

李璉字純夫南直懷寧人進士成化甲辰知府事撤新郡治修繕城池尤加意作興學校時民罹水災繼之以疫親爲驗視藥餌以療病者全活甚衆坐寇警破縣城謫判大同謝志

按豫章書云璉躬冒矢石卒平賊與此異並存俟考
王廷珪湖廣郴州人鄉舉任贛州府同知爲政練達果敢甲辰流賊犯境廷珪率兵銳進遇害卹恩進四品階蔭一子入監讀書謝志

章廷圭字文瑞南直石埭人成化八年由鄉舉知興國以興學勸農爲首務寇躡鄰封且及境廷圭聚選丁壯教

贛州府志

卷六

府名宦

二五

武略寇不敢犯有甲乙相構而甲病死昇屍以乙瘞之於庭遂爲厲乙家暴死者三人廷圭得誣狀治甲罪而厲息邑有牛牯陂澮高不能通水廷圭相度上流鑿石引水自蘇陂至竹壩延袤二十里改名永利歲增穀數千石遷倅衡州補贛州南村峒寇李福正剽掠殺人出沒汀邵間廷圭相機擒之張志

朱諫字君佐浙江樂清人宏治丙辰進士正德癸酉知贛州有賊棲大帽山山延袤閩廣千餘里中多谿谷賊憑要害時出爲民患諫舉兵壓賊境歷行盤龍嶺諸寨報討鮮明戈楯淬厲令曰能捕賊者即以所得賊貨與之官無取人人懷利競赴旬日殲渠魁數十俘數千人賊

窮蹙遣諭降之散置安遠龍南諸所給之牛糧化爲良民後移知吉安

分省人物攷

張璪字孔圭浦城人成化庚子鄉舉丁未授贛推官時汀韶寇侵贛境重以饑疫民死徙殆盡璪持檄趨諸邑增治城濠勞徠周卹民賴以安在事前後平反死刑四十餘人徒流以下不可勝紀宏治乙卯秩滿陞本府清戎同知會清戎某御史以苛察繩下璪抗言見牴歎曰吾不能殃民以奉上官醜顏於位也因移疾請告疏發三日遂行謝志

邢珣字子用南直當塗人宏治癸丑進士歷戶部郎中坐忤劉瑾罷起南京工部知贛州劇盜滿總等進掠邑閭

贛州府志

卷二八

府名宦

二六

珣直抵其峒穴推誠撫之滿率衆降授以廬舍給牛種使耕競樂爲用正德丁丑南安龍川盜據橫水桶崗左溪諸峒都御史王守仁約湖廣會征議先桶崗珣進曰桶崗爲賊咽喉而橫水左溪實據心腹今湖廣兵期尚遠我兵未集賊不爲備出其不意進兵速擊先破橫水左溪移兵臨桶崗茂不濟矣守仁從之珣爲前鋒大兵繼其後賊急據險禦敵伏兵合圍勦之乘勝遂進兵桶崗珣又曰桶崗險峻不可猝拔不若屯兵近地俟其懈擊之先使人說賊使降賊猶豫會大雨冒雨進兵賊潰搗其巢穴徭寇悉平以功增二秩己卯宸濠遣使齎重貲誘滿總助逆滿執使戮之將其貲幣詣府珣曰吾正

練兵集糗以待爾輩云何皆頓首願自效時守仁起義吉安珣即日部兵往會凡馳破南昌援伍文定及焚敵舟皆珣策也逆濠平諸權奸削其功狀僅遷江西右叅政世宗錄其功增秩二級致仕歸在郡著有章貢雜稿

恭謝志鈐
山堂集

羅輅字質甫應天江寧人叅議麟之子正德戊辰進士嘉靖壬午由袁州調知贛州贛當閩廣湖湘要衝數多盜輅曰民無慰止奚而不盜乃禁革冗費刊除雜差寢兩司之防夫輟各衙門之執事票銀不克私用社學不舉前規贛中食鹽多出兩廣私販所販之人歲餽郡吏故不能禁輅奏記總制歲取其利以濟軍務遂以為制一

贛州府志

卷六

府名宦

二七

郡帖然都御史盛應期疏稱輅理劇之材又改守南昌

擢大理少卿

分省人
物攷

趙承謙字德光南直常熟人嘉靖中進士任贛州推官贛俗囂訟其豪仰刀筆以食把持富人長短稍不給輒文致其罪鄙與更迭為証佐承謙至庶得其狀杖而出諸境一郡稱快嘗為郡征商即與商約毋得故低昂其價以商不困而官用足為則遂著為掣法攝贛縣尉為龍南盜劫去欲挾以攻縣承謙從兩隸單車至盜壘陳說利害盜叩頭請死送尉出乃以片紙白御史曰盜解散為良民矣又攝寧都當賑而御史行部至贛承謙曰吾不忍以饑民易御史歡也畢賑而往謁自陳謝御史好

謂曰何謝為若代御史起陪民御史故當謝耳司理三年凡七登薦剡有齟之者僅擢南京選司歷官至參議

弇州史料

祝詠字鳴盛湖廣衡陽人嘉靖己丑進士歷戶兵兩科以方鯁忤時外調二十年辛丑補贛州知府減郡供應嘗持法雖督撫憲司無所撓境多盜憲司令賞捕盜者詠詞其賕不實乃屏人謂曰吾知其非盜奈何枉之瞋目視捕者捕者具吐實立反其獄憲司忿與巡撫共擠詠詠再引疾去上不聽尋陞按察副使陝西左叅政分省人物政

林萬潮字養晦福建莆田人嘉靖戊戌進士授寧波府推官二十五年丙午補贛州嘗從學於唐順之羅洪先絕

贛州府志

卷六

府名宦

六

紛華之好在官謙冲周慎不以喜怒加人斷獄務求其生上官以闕徵委之固辭不任攝興國重建安湖書院聚諸生課業其中信豐大水奉檄往賑冒暑行村塢中計日給授凡活數千人竟以病卒囊無一錢謝志

李种字嘉樹南京金吾衛人鄉舉嘉靖己未同知贛州居官清苦時三巢交訐撫而復叛議設府同知坐鎮其地往府官止駐龍南別遣冗員代往种既受任單騎徑進日開衙視事招出巢民與之通市堅約束巢民感之皆帖伏偶有私忿相仇殺者辨其曲直查盤使者過贛將迎禮薄証种激變直指信之褫職待鞫巢民為訴寃直指反扶之械繫而卒巢民無所洩憤徑殺二起釁者謝志

林功懋字以謙福建漳浦人嘉靖壬辰進士二十四年乙巳以南戶部郎擢知贛州府時巡撫朱統操法嚴切功懋濟之以寬張弛得宜民心悅服歷任河南叅議漳浦縣志王春復字學牧福建晉江人嘉靖戊戌進士先令泰和有惠政比守贛益簡靖不擾督撫有事於岑崗方倚經畫會奔喪去起復補還故治郡人相慶丙辰大水春復乘筏拯溺未幾有大木之役條上便宜視諸府費爲省時流寇覘知督木者有積貲從石城越會昌將薄雩都督府遣二材官偵賊爲所執春復提兵出立營四十里外惛以先聲賊聞氣阻不敢進釋二弁歸累官貴州按察使謝志

贛州府志

卷六

府名宦

二九

李丕顯字憲文福建長樂人嘉靖乙未進士由南道御史出守汝寧補贛州清恬不擾抗直無阿巡按御史行部有所督過及審讞輕重不合必爭之不少徇亢旱禱雨暴赤日中遘疾卒謝志

上儒字應聘湖廣嘉魚人嘉靖癸丑進士歷郎署四十年壬戌知贛州當辛酉之亂戰塵稍息而賊氛方揚徵發旁午上儒從容應之未嘗詘乏督撫志在滅賊慮州民爲賊耳目設匭轅門許來告密贛民黎劉趙三姓先世有田土於龍南適鄰賊巢仇家遂舉其名指爲通賊捕下獄上儒疑之請即訊不可請緩決又不可明日且出旗牌正法上儒趨入反覆陳說至泣下督撫感動

起謝曰公誠篤君子也豈欺我哉遂釋之

謝志

黃宸字文斷廣東大埔人嘉靖丙辰進士四十四年乙丑
由部郎守贛值三巢不靖大府議立縣高砂保宸相度
得宜措置定向事宜皆中肯綮為治發奸摘隱吏民畏
服草沿門火夫雜役修復書院循績卓然賜白金歷遷
閩臬副使

謝志

葉夢熊字男兆廣東歸善人嘉靖乙丑進士由福清令入
為戶部主事改御史以諫降邵陽丞遷知贛州黃鄉賊
葉楷沿襲五世據地三百餘里界連三省時撫時叛夢
熊至欲圖之未有間會其邑七保民劉載永嚴順民等
請增設縣治夢熊請之贛撫江一麟曰是其眾可攜也

贛州府志

卷二

府名宦

三十

先下牒招其子弟來郡就塾師讀書習禮葉楷亦遣子
與焉而心恚載永等所為讐視之七保人從此亦與之
構怨稍稍瓦解夢熊乃密致効命者數人於郡齋與同
寢食授之計令伺便行事已偵得其內潰狀乃請督撫
發兵分四路深入急擊之楷眾星散無與官兵敵者走
匿賴舍廟兵圍而火之遂焚死楷廟祀妖神豎大旗箴
束之用人以禡則自解是歲神像忽倒大旗祭之不開
賊為氣奪事平即其地建長寧縣一麟疏聞夢熊功為
首以憂歸歷官甘肅巡撫後以平哮拜累遷兵部尚書

太子太保

參分省人物
改長寧縣志

廖憲福建大田人少遊羅洪先之門由鄉貢隆慶二年倅

贛州刻厲清修精勤職業僚長貳敬愛之署縣權關秋
毫無染嘗修信豐邑志滿考陞知州去之日乘小舟惟
竹簾一肩圖書數卷謝志

王燧字時用南直丹徒人由鄉舉知新喻縣以介直左官
隆慶間教授府庠不以左遷介意務舉其職時督撫張
某集諸生於尊經閣會課燧自朝至暮無倦容賢愚敏
鈍僉受其益補夏津知縣謝志

周保字子翼浙江鄞縣人隆慶辛未進士當得郡理官不
就補教授贛州醇厚不欺方嚴有執教士日有程月有
課士心歸嚮多所興起旁縣聞風而來咸願執贄癸酉
聘主貴州試終鹽運使謝志

贛州府志

卷六

府名宦

三一

王思宗浙江歸安人鄉貢廷試第一由和平知縣左遷府
學教授諸生執經問難隨叩隨應論說辨洽丰采斐然
病卒多士感慕謝志

鍾澤廣東番禺人嘉靖乙卯鄉舉萬歷初年分教郡學志
趣高明涵養溫粹每見諸生諄諄以德業相勸勉凡親
炙之者如坐春風中以憂歸士子至今頌說之謝志

王繼明字用敏浙江永嘉人萬歷二年甲戌進士初授當
塗知縣以狷介負俗謫贛州府經歷勤修職業不改其
素攝寧都瑞金諸縣清弊釐奸未嘗少厲聲色而民自
畏威懷德累陞知府憲副有清望謝志

唐邦佐字惟良浙江蘭谿人隆慶戊辰進士令如皋以治

行擢刑部主事萬歷七年己卯判贛州性明敏開豁自
以抱才見抑以詩文自娛贛之通天巖寧都金精興國
龍華寺皆有題詠鐫石

蘭谿縣志

徐應奎字汝祥浙江鄞縣人隆慶戊辰進士萬歷八年由
刑部郎出知贛州持身清約馭下嚴明嘗折獄片言上
官苛取不經應奎力請裁省至觸忤不邱府治災竭力
經營重建堂構一不擾民以福建布政使加太常寺卿
致仕

謝志

邢汝東浙江山陰人萬歷十二年由鄉舉貳贛聽斷公明
用法平恕郡中事有難處獄有未決者多以屬之贛撫
陳有年以衛所軍餘每苦佔虛奏請丁差視州縣條鞭

贛州府志

卷三

府名宦

三二

法徵銀雇募以甦積困檄下汝東如法編派又以屯田
高下分等則以定運軍年限終兩淮轉運使

謝志

黃克纘字紹夫福建晉江進士萬歷十七年守贛值歲大
稔豫備倉穀皆以國庾難之克纘曰陳陳相因以待乏
也亟發而賑之又以學宮圯甚久告上僚興役食饑者
以廩中餘粟給役人爭就工乃引水為泮池累石成橋
增所未備在郡五年清操如一陸四川學使累官刑部
尚書

謝志

董三畏雲南嶺峨人由鄉舉司理袁州萬歷二十年壬辰
補贛州不攜家累止二蒼頭從矢心清白戢下以嚴吏
役有不願留者聽其自去精於吏事兩造具立為剖斷

曲盡情法刻日成爰書不淹宿攝守篆內外清肅三年
量移重慶同知 謝志

陸化淳字君復南直常熟人萬歷壬辰進士先守金華義
烏令賢忤司理受誣化淳以挂冠爭之得直遂歸萬歷
三十四年丙午起守贛法嚴政舉兩橋稅羨金四千貯
於府固辭年餘病革別駕往省微言諷之伏枕謝曰吾
無事此既家人復請不應以手麾之遂瞑 蘇州府志

褚盛明南直揚州人萬歷間由鄉舉同知府事恬雅可親
而事有執持不為浮議所撓居常無疾言遽色百務從
容就理卒於官 謝志

嚴遵試字行之廣西賀縣人由鄉舉令英德考最萬歷間
贛州府志

卷六

府名宦

三

遷贛郡丞鞠獄推見至隱常與輕比不深入異時巡徼
之卒借口禁夜訶事饕餮人以為常自遵試來咸相戒
不敢擾村市盜賊竊發擒制有方往往得其交通主名
按捕之攝府事吏胥屏息無敢出一語受賕銖兩皆知
之歲旱禱於山川徒步暴日中者彌月東南瀕河居民
苦板木牙行遵試蠲其役在任四年歌謠盈道路為忌
者所中 謝志

陳梁字伯棟涇陽舉人任贛州府同知時有賊僭偽號擁
衆數萬掠郡縣上官委梁往討之梁以計誘執賊百餘
人又遣人諭諸賊使解散賊黨悉平城南章江人病涉
梁作石橋便之稱陳公橋 江西通志

毛鶴騰廣東博羅人萬歷間由鄉舉通判贛州司權關課
質直潔清不撓權勢初終一節商民咸蒙其惠陞上石
西知州去 謝志

李熠號鄴郁河南涉縣人選貢萬歷戊申為贛判職權稅
凡偵夫撥卒一切罷去貨泊至闕下俾賈人自相佔佔
不以實者罪之在官禁胥役蹂踐務為寬疎或縱舍微
利過者相安皆以欺隱相戒不召自至滿考三臺特疏
舉加五品服俸留任越六年陞德安丞去後南陽李若
素判郡筦權政亦以恤商得遠近心人稱二李 謝志權
政論

蔡民望福建晉江人萬歷間由鄉舉司理贛州簡嘿謙慎
聽斷公平庭中清肅署篆各邑權稅兩關俱一塵不染

贛州府志

卷二

府名宦

三四

終雲南尋甸太守 謝志

申用嘉字羨中南直吳縣人文定公時行子萬歷舉人泰
昌元年得贛府節推臺使者委以疑獄用嘉刻意平反
出死罪甚衆陳昌文兄弟仇訐各誣弒逆罪有紳士庇
其弟枉法坐兄用嘉不從因以天性感動之皆大哭為
兄弟如初值黔蜀用師檄調贛兵月餉缺聚而譁贛撫
倉卒無措用嘉慷慨出諭皆懾服考最將內擢撫軍以
軍譁故愧而抑之平遷高州郡丞歷任廣西右叅政 魏
叔

子集

沈振龍字潛超浙江秀水人萬歷進士先以南駕部郎守
淮安左遷知廣德州知州天啓二年復以職方守贛甫

下車首嚴保甲之法。寇發，贛撫議徵兵，焚郭外民居，閉城堅守。振龍曰：「不可，吾有備矣。」就所立里甲，勒以部伍，張旗幟，申斥堠。寇聞，不敢至。嶺南北避難者，麇集軍士，輒縛之，爲寇振龍按驗，其妄釋之，竟以此忤上僚，以軼盜劾罷贛人，懷其德。

袁昌湖廣潛江人，選貢。天啓二年，任贛州府通判。潔已，惠商，捐俸造兩關橋，船買田課士，糴穀賑饑，士民勒碑祠祀之。謝志

國朝

蘇峻，大順天人，以貢生任贛推官。順治五年，戊子，諸邑猶未靖，雩都渠魁曾斌羅聚，奎等嘯聚，示豐山謀以二月

贛州府志

卷二八

府名宦

三五

窺城，贛撫劉武元發兵勦之。偵者悞傳雩城士民通賊，峻大適以他事過雩，雩民焚香城上，自愬其無辜。峻大兼程抵郡，白其事。武元飛騎諭諸將毋妄殺良民，持二金卮爲信，遂撤兵。獨勦禾豐，先是屠城之令，以某夜分砲三發爲約。城中人皆擊豕祀先家人，聚食醉飽以待。倖砲已二發，哭聲殷地，飛騎至，得全，皆慶更生，爲祠祀峻大。張志

徐騰輝，字岷雲，江南常州人。順治丁亥進士，司理贛州。性慈厚，每斷獄務求其平。涖事三年，入死者僅一人，出死者二十七人。常曰：「民天所重也，古人有求生於死不得而泣者矣，吾寧忍以死致諸生者乎？」諸繫囹圄者，恒給

醫藥飲食著有矜情錄 張志

卽永清號定菴廣寧人以大臣子弟選就國學順治十年擢知贛州府贛當明季戶籍十萬八千丙戌城破存者三千戶連歲用兵諸軍入廣者必道贛民相率徙避永清勤招徠嚴約束復業者日衆時李定國犯梧桂郝尚九在潮官兵進勦休馬飼於贛永清預區教場地立營廠芻糧畢備往迎哈朱二將軍陳說宇內新定民爲邦本之義將軍至見供億整備大喜下令不許一兵入城時司農議撥江西漕克粵餉丁男負米度嶺永清捐募夫役以甦民困師旋下贛石諸軍皆北人目懾灘流之險兵艘用夫數倍上灘時營將大索居民以應並及士

贛州府志

卷二八

府名宦

三六

人永清馳往西津奪以歸往役者仍具舟載饜以從無道死者瑞金石城寇掠最劇爲難民營構室廬收瘞啗骼發大濟倉粟賑饑全活無算巡撫蔡士英疏請分別田糧荒熟以熟歸民荒歸官有主未墾不時輸將者與贛營兵餉抵兌巡道史燧及南贛二郡議仍歸之官緩徵以順民情竟得請實自永清發之贛諸生王曰平爲盜所引誣服永清廉其枉出之又雪興國廖安民獄檢制屬員不事苛察每歲郡符下縣不一二見兄子廷佐巡撫江西例宜引避贛士民乞留又一年乃行歷任山東巡撫贛人祠祀之

參張志

孔興訓字覺所山東曲阜至聖裔康熙三年守贛慨然曰

黠俗不可以文化刻厲振作懲奸剔蠹胥徒畏之凡治
官書預告誡法度森然坐堂上諸役不奉呼不敢登慎
用朱墨民有訟不事差拘令兩造自至片言決其曲直
時方裁併嶺北二道爲一分守事半歸郡守刑名鉅細
指揮豁如歲已酉安插閩海降兵屯田於贛興國屯兵
最桀驁洶洶欲爲亂興訓親往履塍畝尺寸審度俾兵
民各安其土治贛九年稱最

張志

顧岱號止菴江南無錫人順治戊戌進士康熙初以潞安
知府左遷爲贛同知時軍興旁午閩楚窺伺禁旅雲屯
奔走戎行間以綏良緝奸爲任岱學問淹雅多識舊事
巡道王紫綬素推服之時造其官解權古今促膝忘晷
贛州府志

卷二

府名宦

三七

贛守萬文麟舊爲潞丞適在岱宰郡時至是迭爲長貳
乃陽禮岱而心忌之岱亦弗爲下或爲岱危竟無恙後
陞杭州知府致仕卒

李德明字瑞毓湖廣巴陵人任贛照磨康熙十三年甲寅
六月石城陷於閩賊總戎劉進寶帥師復之德明押紅
夷大礮佐軍前令以陷城去撫軍委攝篆甫經月賊又
至德明嬰城固守寢處雉堞間者二十日寧都守將管
天祥來援圍得解石城近汀而遠贛汀久爲耿逆有德
明策賊必不捨石城預爲保障計增築城堞敵樓警鋪
城中無井汲於江每被圍軍病渴乃堰江水入城浚池
以畜之周城鑿隍僞將軍陳益擁衆來攻德明揮兵一

戰馘之頭大如斗邑人始無攜志乃益市穀儲火藥繕
兵械丙辰二月滇逆高某陷吉安羣賊勢益熾偽將軍
劉應麟以書誘降不聽囚其使黃建明應麟怒帥兵三
萬圍城德明與民死守每食傳餐必自巡行鄉勇名畢
佛者中礮碎腦語其伍曰吾受李公厚恩死無恨若等
謹守堞毋為賊乘言訖而絕衆益感動奮呼請效死德
明出戰五戰五捷賊奔潰斬馘數十百人奪礮石旗械
不可勝數自是汀寇不敢復晚石城視事三載禱雨輒
應人稱曰李霖立祠祀之

恭張志

朱光圉字西山休寧人貢生康熙四十三年由刑部郎中
出守贛為政不尚苛撓以化民成俗為先繕城隍裕倉

贛州府志

卷二八

府名宦

三八

廩修學校興書院士民懷之祀於瀛溪書院

張志

汪宏禧字滅尊錢塘人雍正庚戌進士由文選司員外郎
乾隆間出守贛時學使校士大風拔屋壓死者數十人

宏禧倡衆鼎新規制宏敞一切祀典皆所經畫

新稿

葉新字惟一金華人康熙庚子舉京兆由揀選試用四川
歷陞知府丁憂起補江西建昌府政務簡靜尚文教嘗
辨南豐疑獄爭之大府得白活二百餘人乾隆十八年
以能調知贛州贛為閩廣通衢民俗侈肆浮囂新加意
振刷以次興除案牘為之一空先是上猶山民有倡亂
者聚衆巖谷間逆跡漸張其地與贛密邇民震恐新多
方撫循親馳上猶佐大府捕獲逆黨未幾持寧都贛縣

案以任性勒罷泣贛僅八月民安其政去之日父老爭
焚香泣送有清官不到頭之謠

參行述
新志稿

論曰孫吳據有江左分建都尉太守之官終以壞接
嶺南未更荒服之習唐時大都遷謫為多而克自振
厲著聲茲土者固不與瘴雨蠻煙同歸泯沒至兩宋
循良接踵若趙抃劉燾孔宗翰諸公非其卓卓在人
耳目者歟文山遭宋末造起義勤王贛豪傑多應之
元明繼統寇盜侵尋建牙臨蒞率多當代偉人削難
除奸功猷炳烈而承下流為長吏者亦不乏忠信之
長慈惠之師撫循綏靖贛民肖其貌而祀之者不下
數十人迨時值鼎草守土之官率盡力以禦災捍患

贛州府志

卷二十八

府名宦

三九

以勞定國以死勤事其於生聚教訓固有日不暇給
者然我朝如蘇卽顧李諸人培植元氣以固本根
大用小效事不一轍迄於息鼓韜戈戶不夜閉昔時
巖險之地皆廓然滌盪為耕鑿絃誦之區長吏從事
於文教一切以善道化其民禮樂文章之盛儼然與
洪吉同風盡革其頑犢難馴之氣則仁漸義摩殆非
一朝夕之故矣茲作名宦志綜覈古今臚其治績俾
贛人士有所稱述尸祝於無窮而後之官是土者更
可以繼囊哲而著休聲焉